

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE

Na osnovu člana 21. stav (1) tačka 3) Statuta Grada Zenica („Službene novine Grada Zenica“, broj: 5/15) i člana 44. i člana 59. i 60. Poslovnika Gradskog vijeća („Službene novine Grada Zenica“, broj: 4/17), Gradsko vijeće Zenica, na 31. sjednici održanoj 29. novembra 2018. godine, donijelo je

**ZAKLJUČAK**  
**o utvrđivanju Nacrta Budžeta Grada Zenica za 2019. godinu**  
**i upućivanju na javnu raspravu**

**I**

Utvrđuje se *Nacrt Budžeta Grada Zenica za 2019. godinu.*

**II**

*Tekst Nacrta Budžeta Grada Zenica za 2019. godinu upućuje se na javnu raspravu u trajanju od 10 dana od dana održavanja sjednice Gradskog vijeća.*

**III**

*Tekst Nacrta Budžeta Grada Zenica za 2019. godinu upućuje se na javnu raspravu učesnicima javne rasprave - gradskim službama, političkim subjektima, javnim preduzećima, javnim ustanovama, mjesnim zajednicama, udruženju privrednika - poslodavaca.*

*Sugerise se da učesnici u javnoj raspravi vode računa o aktuelnoj ekonomskoj situaciji, te ukoliko predlože povećanje sredstava u određenim segmentima Nacrta Budžeta, da preciziraju na kojim pozicijama će se izvršiti smanjenje, odnosno da predlože objektivne izvore iz kojih bi se izfinansiralo predloženo povećanje.*

*Zadužuje se Stručna služba Gradskog vijeća da tekst Nacrta Budžeta iz tačke I ovog zaključka objavi na službenoj internet stranici Grada Zenica, kao i dostavljanjem putem e-maila svim subjektima - učesnicima u javnoj raspravi.*

**IV**

*Pisane primjedbe, prijedlozi i sugestije dostavljaju se Službi za finansije najkasnije do 10. decembra 2018. godine, zaključno sa zadnjim navedenim danom.*

**V**

*Zadužuje se obrađivač - Služba za finansije da kod izrade Prijedloga Budžeta Grada Zenica za 2019. godinu uzme u obzir sve blagovremene i uredne primjedbe, prijedloge i sugestije dostavljene u toku javne rasprave, primjedbe, prijedloge i sugestije Komisije za propise i Komisije za ekonomske odnose, kao i prijedloge i sugestije iznesene na sjednici Gradskog vijeća Zenica.*

*Izvod iz stenograma čini sastavni dio ovog zaključka.*

VI

Ovaj zaključak stupa na snagu danom donošenja istog, a dostavit će se svim učesnicima javne rasprave uz tekst Nacrta Budžeta Grada Zenica za 2019. godinu, koji se ima objaviti i na službenoj internet stranici Grada Zenica.

Broj: 01-01-6252/18  
Zenica, 29. 11. 2018. godine



PREDSJEDAVAJUĆI  
GRADSKOG VIJEĆA ZENICA

**Goran Bulajić**

**DOSTAVLJENO:**

- 1x Gradonačelniku,
- 1x Svim gradskim službama za upravu,
- 1x Službi kabineta Gradonačelnika,
- 1x Političkim subjektima koji imaju vijećnike u Vijeću,
- 1x Asimu Musiću, Nezavisnom vijećniku,
- 1x Svim samostalnim vijećnicima,
- 1x Javnim preduzećima Grada Zenica,
- 1x Javnim ustanovama Grada Zenica,
- 1x Mjesnim zajednicama Grada Zenica,
- 1x Udruženju privrednika-poslodavaca,
- 1x Sektor za odnose s javnošću,
- 1x Stručna služba Gradskog vijeća,
- 1x a/a.